



Ulloq: 26. januar 2026
Allaffik: Nordatlantkontoret
Suli.sulia: Laura Friestrup-Jensen
Suliap normua: 2025-13585
Takussutissiaq: 3982485

E Q I K K A A N E Q

Politiit sulinerat pillugu inatsisip allangortinneqarnera pillugu inatsisit assigiinngitsut Kalaallit Nunaannut tuutilersinneqarneri pillugit peqqussut

Politiit sulinerat pillugu inatsisip, peqqussutikkut nr. 1320-ikkut, 23. september 2022-imeersukkut Kalaallit Nunaannut atuutilersinneqarsimasup nutarterneqarnissaa peqqussutip siunertaraa.

Isumannaatsuutitsinissaq eqqarsaatigalugu, timmisartunik inuttaqanngitsunik aamma pequtunik allanik ungasianit aqunneqartunik politiit suujunnaarsitsisinnaanerisa inatsisitigut killiliussanik erseqqinnerusunik nutarterinerup ingammik qulakkeerinniffigissavaa.

Timmisartut inuttaqanngitsut pequtillu inuttaqanngitsut assingusut allat, qunusaarisutut nalilerneqartut, assersuutigalugu aallaasit, qassutit imaluunniit “timmisartog inuttaqanngitsoq saassussissut”-mik taaneqartartog atorlugit, politiit pillugit inatsimmi § 5, imm. 1 malillugu politiit ullumikkut suujunnaarsissinnaareerpaat. Aalajangersagaq malillugu nalinginnaasumik tamat eqqissisimatinneqarnissaasa akornusersorneqarnissaanut navianaatip kiisalu inuit ataasiakkaat aamma tamat toqqissisimatinneqarnissaannut navianartorsiortitsinerit pitsaallorneqarnissaanut politiit suliassaannut atatillugu isigineqassaaq.

Kisianni, politiit pillugit inatsimmi, tamat toqqissisimatinneqarnissaasa akornusersorneqarnissaannut navianartorsiortitsineq imaluunniit inuit ataasiakkaat imaluunniit tamat isumannaatsuutinneqarnissaasa

navianartorsiortinneqarnissaat pitsaaliorniarlugit, timmisartut
inuttaqanngitsut aamma pequtit inuttaqanngitsut allat, imminnut nammineq
aquttut imaluunniit ungasianit aqunneqartut, politiit
suujunnaarsitsisinnaaneranik malittarisassiuismi, inatsisitigut
killiliussanik erseqqinnerusunik pissarsisoqarnissaa, Inatsiseqarnermut
ministereqarfiup nalilersimavaa. Timmisartut inuttaqanngitsut aamma
pequtit inuttaqanngitsut allat, imminnut nammineq aquttut imaluunniit
ungasianit aqunneqartut suujunnaarsinneqartarnerat, pissutsit
assigiinngitsut malillugit annertuumik akuliunnerusinnaaneranut atatillugu
tamanna isiginiarneqassaaq, aamma tamanna tunngavigalugu akuliunnerup
atuuffissaanut piunasaqaatit erseqqinnerusut aalajangersarneqarnissaat
naleqquttuusoq nalilerneqarpoq.

Cykeli pineqartoq tillinneqarsimasutut nalunaarutigineqarsimanersoq
pillugu nakkutilliinissaq siunertaralugu, politiit cykelertunik
unitsitsisinnaanermut piginnaatinneqarnissaannut malittarisassat
eqqunneqarnissaat, peqqussutip nutarterneqarnerata aammattaaq
aallarnerniarpaa.

